

Nýttkomið í A.-deild.

Auglýsing um, að auglýsing frá stjórnarráði Íslands 28. júlí 1886 skuli úr gildi felld, undirskrifuð af ráðgjafanum fyrir Ísland 4. septbr. 1889 (A. nr. 15, bls. 34—35).

Brjef landshöfðingja til amtmannsins yfir suðuramtinu og vesturamtinu um 95
endurgjald á sveitarstyrk. — Með brjefi, dags. 23. nóv. f. á., sendi sýslumaðurinn í 31. ágúst. Mýra- og Borgarfjarðarsýslu hingað erindi hreppsnefndarinnar í Hvalfjarðarstrandarhreppi, þar sem hún áfrýjar til mín úrskurði yðar, herra amtmaður, dags. 1. nóv. 1887, er gjörir nefndum hreppi að skyldu, að endurgjalda Helgafellssveit í Snæfellsness- og Hnappadalssýslu 154 kr. 2 a., er Guðmundur bókbindari Guðmundsson, sem sveitlægur er í Hvalfjarðarstrandarhreppi, þáði þar af sveitarsjóði vorid og sumarið 1886 handa sjer og hyski sínu. Með þóknanlegu brjefi yðar, dags. 26. apríl p. á., meðtók jeg, síðan umsögn og tilsvár hreppsnefndarinnar í Helgafellssveit út af áfrýjunarskjali þessu, og að endingu með þóknanlegu brjefi yðar 14. p. m. athugasemdir hreppsnefndarinnar í Hvalfjarðarstrandarhreppi um tilsvárið, sem henni hefur verið gefinn kostur á að kynna sjer.

Með því nú að hreppsnefnd Helgafellssveitar verður með tilsvári sínu og skýrslum þeim, er fylgdu áðurnefndu brjefi yðar, herra amtmaður, 26. apríl p. á. að álitast hafa fyllilega sannað, að sveitarstyrkur sá, er hjer er um að ræða, 154 kr. 2 a., hafi verið löglega veittur ofanefndum Guðmundi bókbindara, og það einnig má álitast sannað, að hreppsnefnd þessari hafi eigi verið unnt, að útvega Guðmundi þá atvinnu sumarið 1886, að hyski hans yrði eigi sveitinni til byrðar, þá verð jeg að álíta hinn áfrýjaða úrskurð yðar, dags. 1. nóv. 1887, rjettan, og skal því þjónustusamlega skora á yður, að leggja fyrir hreppsnefnd Hvalfjarðarstrandarhrepps, að endurborga Helgafellssveit, sem jeg bið yður tilkynna þessi úrslit málsins, hina áminnstu sveitarskuld, 154 kr. 2 a., án nokkurs frekari dráttar.

Brjef landshöfðingja til verzlunarstjóra Carl A. Danielsen um toll af skips- 96
öli og Brama-lífs-elixír. — Út af brjefi yðar, dags. 14. júlí síðastl., þar sem þjer 3. sept. kvartíð yfir því, að sýslumaðurinn í Árnessýslu hafi heimtað af yður toll af 144 pt. af skipsöli og 100 gl. af Brama-lífs-elixír, og leitað úrskurðar um, hvort þessi tollur sje rjettilega heimtaður, skal yður hjer með tjáð, að samkvæmt 1. gr. laga 7. nóv. 1879 ber að greiða 5 aura toll af pottinum af alls konar öli, sem flutt er til landsins, og þá einnig af skipsöli, en af Brama-lífs-elixír ber aptur á móti ekki að taka toll, sbr. brjef ráðgjafans 21. ágúst 1886 (Stj.tíð. 1886, B. bls. 126).

Brjef landshöfðingja til amtmannsins yfir norður- og austuramtinu um sam- 97
band nokkurra sýslufjelaga um búnaðarskólalahl á Hólum o. fl. — Í þóknanlegu 4. sept. brjefi, dags. 13. júní p. á., hafið þjer, herra amtmaður, skýrt mjer frá, að sýslunefndirnar í Eyjafjarðar- og Suður-Þingeyjarsýslum hafi gengið að tilboði frá stjórnarnefnd Hóla-búnaðarskólans um, að ganga í fjelag við Húnavatns- og Skagafjarðarsýslur um tjeð-
22. dag októbr.mán. 1889.

97 an búnaðarskóla, en að sýslunefndin í Norður-Þingeyjarsýslu hafi aptur á móti hafnað
 4. sept. þessu tilboði, og að amtsráðið síðan, eptir að fulltrúar úr hinum fjórum sýslufjelögum, er orðin voru ásátt um, að vera saman um búnaðarskólann á Hólum, höfðu haldið fund með sjer, hafi tekið málið til meðferðar, fallið á sameininguna og lagt það til, að jeg samþykkti, að hluti Eyjafjarðarsýslu og Suður-Þingeyjarsýslu í hinum núverandi búnaðarskólasjóði norður- og austuramtsins yrði lagður til búnaðarskólans á Hólum, og að hið árlega búnaðarskólagjald úr sýslum þessum gengi eptirleiðis til skólans.

Út af þessu skal yður hjer með tilkynnt til þóknanlegrar leiðbeiningar og frekari birtingar, að jeg fellst hjer með á, að Hólaskólinn verði sameiginleg búnaðarkennslustofnun fyrir Húnavatns-, Skagafjarðar-, Eyjafjarðar- og Suður-Þingeyjarsýslur, að hluti hinna tveggja síðastnefndu sýslna í búnaðarskólasjóði amtsins verði lagður til skólans, og að búnaðarskólagjaldið úr þeim gangi eptirleiðis til hans. Að því er Norður-Þingeyjarsýslu snertir, skal jeg þjónustusamlega skora á yður, að leggja fyrir sýslunefndina þar, að gefa á næsta fundi sínum yfirlýsingu um, hvort hún kjósi heldur, að sameinast vestursýslunum um búnaðarskólann á Hólum eða Múlasýslunum um Eyðaskólann, og vænti jeg á sínum tíma skýrslu yðar um það efni.

98 Ágrip af brjefi landshöfðingja um sekt fyrir brot gegn 2. gr. laga nr. 23.
 9. sept. 4. des. 1886. — Með brjefi þessu var prentsmiðjueigandi sektaður um 30 krónur fyrir að hafa vanrækt að láta bókasöfnum þeim, sem nefnd eru í 2. gr. laga 4. des. 1886 í tje ókeypis expl. af »Siðbók fyrir undirstúkur Good-Templara«, með því að engin heimild væri til að draga undan frá bókasöfnunum neina bók, jafnvel þó hún væri prentuð »sem manuskript« og eigi ætluð almenningi.

99 Brjef landshöfðingja til amtmannsins yfir Suður- og Vesturamtinu um skiptingu Vatnsleysustrandarhrepps. — Með þóknanlegu brjefi, dags. 19. þ. m., hafið þjer, herra amtmaður, sent hingað erindi frá sýslumanninum í Kjósar- og Gullbringusýslu, þar sem hann eptir ósk hreppsnefndarinnar í Vatnsleysustrandarhreppi og fyrir hönd sýslunefndarinnar fer þess á leit, að Vatnsleysustrandarhreppi verði frá 1. október næstkomandi skipt í 2 hreppsfjelög, og hafið þjer mælt fram með því, að jeg samþykki hreppaskiptingu þessa og skipi fyrir um hana á þann hátt, sem sýslunefndin hefur lagt til.

Fyrir því skal samkvæmt 23. gr. sveitarstjórnartilskipunarinnar 4. maí 1872 skipað svo fyrir sem hjer segir :

1. Vatnsleysustrandarhreppi í Gullbringu- og Kjósarsýslu skal skipt í 2 hreppa, þannig, að Njarðvíkursókn í Vatnsleysustrandarhreppi verði hreppsfjelag fyrir sig, og heiti Njarðvíkurhreppur, en hinn annar hluti nefnds hrepps sje sjerstakt hreppsfjelag, og haldi nafninu Vatnsleysustrandarhreppur.
2. Öllum eignum og skuldum hins núverandi Vatnsleysustrandarhrepps, þeim er verða þegar skiptingin fer fram, skal skipt þannig, að Vatnsleysustrandarhreppur hljóti og beri af þeim þrjá hluti, en Njarðvíkurhreppur einn; þó skal skólaeign og skólasjóður hreppsins eigi koma til skipta. Sveitarþyngslum þeim, er verða þegar skiptingin